



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五四〇

棣懷堂隨筆十一卷附雙圃氏同館賦鈔一卷雙圃氏同館詩鈔一卷

周夢巖同館賦鈔一卷周夢巖同館詩鈔一卷 李象鵬撰

鑒山賸稿二卷 沈昌世撰

澄懷書屋詩鈔四卷 穆彰阿撰

寶研堂集四卷 舒化民撰

珠巢存課二卷 周之琦撰

退菴詞一卷鴻雪詞二卷金梁夢月詞二卷懷夢詞一卷 周之琦撰

蒹葭秋水樓詩集十卷 丁廷樞撰

拜竹詩龕詩存十卷 馮登府撰

石經閣文初集八卷 馮登府撰

石經閣文續集八卷 馮登府撰

七五七

六六九

五九五

五二三

四六一

四三五

三三一

二九一

二二三

一

蓋聞臨海測蠡量罔辨夫歸墟坐井自蔽識徒爾耳是日
天闕既登爰知岱華之崇地紘斯布彌形壤阻之隘際林茂
足敵萬磬神麟一角無羨千腋信乎部婁微植將仰寶於聖
牛渚細流方朝宗於澗濱者焉若乃霓裳妙舞木無煇於
鈞天發響乃不諧於郢奏撰述蓋寡標識甚難自古以來抑有
是乎

雙圃先生雲英鳳騫霞質斯契蟲魚豹鼠研幾終郭之篇崑崙
宛委探奇金石之富翔聲鴻林蜚藻瀛宇張驚制舉時稱青錢
之選合狐入直常訝玉繩之恆逐乃發策虎闌分校觚闕恍李
之下羣菲所集薛下之門奇實斯萃固已翺遊遼廓而睇

棣懷堂隨筆

注序一

而睇

視塵壤側足間闔之旁而心垂蹶躄者矣故夫著爲
縑緗或同蜃海之觀有若鸞鳳之嘯應劭宏通茂先淹博對策
第一仍同下帷之年校書逾萬無假燃藜之讀觀其高論鑠古
深識蓋世稜稜嚴威咸驚董狐之筆凜凜寒穎如逢雷煥之劍
霜隼下注鸚燕罷其飛翻天駒橫行驚蹇由茲奔蹶賢奸之辨
收其遁情平反之獄治此允議又復權輿七啓陶四始風誼
抒其欵誠道心永其幽矚苔岑贈言期佩乎弦韋可梁錄別情
餘乎荆蓋微雲疎雨秘省吟秋之章東風御柳寒食冶春之句
以至於山哀誅安仁惻愴孤援三峽之嘯隴水千年之咽信足
以艷奪蜀錦悲逾楚些者也昔者伯牙之遇鍾期爲發清奏侯

芭之事楊雄屢問奇字士進吹全濫竿亭徒敝帚闕里赤虹之
書未習其文晉國黃熊之辯未舉其典駒光若馳蚊睫焉擇羊
角扶搖終阻垂天之路驥尾騰蹕亮無躡景之方入長安之市
誰識馬周攀河陽之花未逢潘令捧檄之志斯在代耕之願徒
戢三椽屋瓦踞影低眉一隅枕泣埋愁寄恨猶黃壤無埋青
雲可附則搶榆弱羽或得遂其回翔蘊璞微珍藉可資夫礪斷
幸被光霽輒予獎藉味茲謨陋用貢煩囑庶幾援薦蘿之誼企
翦拂之雅翁鳳攀嵇嵇頗解延之之詠仙舟御李非無苟爽之慕
云爾道光辛巳閏三月三日愚小弟汪士進敬序

棣懷堂隨筆

注序二

二

是集情文雙絕尤服其自闢境界不樞古人故不可名以一家
偉哉四六出入六朝兼收唐宋而能絕去組織之跡使人忘其
爲駢體史論綜核事蹟推見至隱皆卓然不朽之業漢高祖上
分羹一語諸儒皆之不遺餘力然矯情深計語毒而心益苦僕
嘗論之凡數百言乃暢厥旨不意擬啟起筆二十三字已括盡
之雖持論褒譏各別而筆力簡勁自由天授惟有敢拜下風而
已

年愚弟張學尹子任敬跋

棟懷堂隨筆

張敬一

三

棟懷堂隨筆卷一

春明雜著

長沙李翥鵬

贈安徽楊葆卿

宜之孝廉序嘉慶十八年

余生以元默攝提格之年。厲相之月。其日維已。其時在辰。葆卿
以戌時生。年月日皆同。眷天涯之契合。無人事之參差。乃援翰
而序之。曰。某生三十有二年矣。溯講貫於湘南。非無角卯。喜聯
翩於冀北。謬託肩隨。然而谷並鶯遷。行猶雁次。人有齊年之誼。
語無同日之緣。是以君實之會羣英。終當序齒。仲容之作前輩。
尚待忘年。未有祿命相符。干支半協。占星八煞。問字六同。如余
與葆卿者。亦異事也。葆卿以佳公子作賢主人。假客館以居停。
王曾割宅愛吾廬之闔寂。潘岳面城。既而坐我以春風。罪我以
玉屑。相忘視蔭。有與疑年。溯達矢及桑弧。均是壬寅之弱陋。乘
車與戴笠。何煩甲乙之盟。此年之同也。時則大火西流。金風曉
振。君占蘭月。我值瓜期。願滌暑於將闌。佇浮槎其有待。此月之
同也。況乃金鍼暗度。剛符後甲之三。寶蓋齊張。尙隔中央之五。
天有十日。就盈數以相成。候紀一句。冀末光其可附。此日之同
也。雖復玉盤迅轉。銀箭偶差。然我生不辰。幸免古賢之誚奄茂。
維成別有秀氣之鍾。若教長日如年。遂歷二分之久。錯解四時
爲歲。便當期月有奇。相去幾何。後來居上。住君三千歲。小住爲
佳。思君十二時。相思過半。洵乎無獨必有偶。原非月異歲不同。

棟懷堂隨筆

春明雜著

十一

也夫戴氏金蘭陳生膠漆尹班誼篤管鮑情親惟志趣之不殊
豈年齡之相埒若夫南豐之聯名兩度同年未必同庚李摯之
結契四般同歲不聞同月登第摯詩有云契舍四般同年而況
連江洽比彥才則日上稍差陳詩有云只因日上差些子笑同
連江作即如魯國偕生公為亦日計不足天下事殊難強合古
釣翁今人固自不同茲者幸際奇緣聊中短引請題鉅筆用助清懷
庶幾一詠一觴永諧金石從此如兄如弟莫辨壘麓渾小年與
大年願來日如去日

棟懷堂隨筆 卷一 春明雜著

二

祝耦庚前輩三十初度文集 尙書 十九年二月

甲戌歲二月朔癸巳越七日太史友其爾衆士悉至于庭進相
揖乃言曰三十徵庸咸中有慶兄弟方來儀不及物公乃自以
爲功腆致用酒若是多盤農父若保肅將祇歡乃廣載歌時坦
部有又曰庶常吉士女永有辭予小子其退不良于言昧昧我
思之書用識哉拜首稽手曰惟公懋德罔有不欽慎厥身修言
以道接服食器用克儉于家出入起居圖枕于正思其艱圖其
易爾惟自鞠自苦夙夜惟寅義制事禮制心人之有能有爲聰
明時又我聞在昔能自得師陳于茲時其教告陳心泉始典
于學自乃邑樹之風聲君爲諸生時惟十有二年丁卯八月執
展試冠軍

棟懷堂隨筆 卷一 春明雜著

三

藝事其試哉惟爾多士至于五千莫與女爭能君是年以第惟
十有三年戊辰有若南宮其惟吉士罔遊于逸厥脩乃來是年
編修職 庚午對揚天子之休命誕敷文德西土君子奔走事
厥考典試粵西三考黜陟無偏無陂二人共貞惟和惟一出
納五言律和聲宏敷五典命作冊以粵西惟最若射之有志
各設中于乃心若火之燎于原其克灼知厥若試可乃已告厥
成功既受命還則遠人格道省親御其母念五六日有依歸
恭厥兄或四三年不克見至是丁卯入都其大悼典時庸展親能
使有好于而家方祇厥敘乃心罔不在王室猶不常寧若濟巨
川至于大陸則入告爾后于內惟簡在上帝之心自時厥後旁

招俊又作之師。悉自教。工高乃聽。始按徒曰。雨曰。霽。雖休勿休。或戒不勤。亦克用勸。公乃爲詩。次五次七。功惟敘。粵若稽古。其一。二時乃風。君好爲詩。尤遠於古風。一曰。無彝酒。懋戒哉。予其誓。君作止酒。歌。二曰。引恬迂。乃心度。乃口置。諸其左右。胥顧于箴言。君作止酒。座。乃朝用書。動罔不吉。至于小大厥攸。作疇若。子工無有遠邇。其往求不匿厥指。君楷法精妙。索書者多。材多藝是。惟艱哉。台小子。雖收放心。不學牆面。懋不懋。肯師保之訓。逸厥逸。惟耽樂之從。厥賦中。予亦拙謀。無他技。思曰。贊贊猶胥訓。告在乃心。余去歲始學作律賦。既爰宅于茲。予惟曰。罔攸賓。至于婚友。時余覽寓。時則勿有間君。已曰。出乃心。惟其陳脩。余與君過從無虛日。越每有呈教。多蒙郢政。

棣懷堂隨筆

卷一

春明雜著

四

以文爲戲。工妙絕倫。充其力。足以塗改典謨。

聽翁弟讀

哭五弟文有序

歲甲戌十一月二十四日。聞五弟凶問。因追念九弟。揮淚爲文。以誌感傷云爾。
嗚呼。香無卻死。樹不返魂。兩斷墳簾。一朝風燭。豈不痛哉。其始間九弟耗也。一書到燕。五內酸楚。彼岡而呼。予季曾託肩隨于宗。而念同人空嗟祖免。死者長已。傷如之何。況乃踵不及旋。肱將再折。蒲節偕柳枝共瘁。桃根與李樹同僵。卜子則投杖頻來。敬姜則據牀屢泣。問天無語。搶地有聲。死喪之威。未有甚於吾弟者矣。弟以英妙之姿。服詩書之教。幼而好學。長更達材。固宜拾芥紆青。封泥炫紫。而乃詞成珠玉。賦闕藻芹。恆兀兀以經年。是區區者。不昇張鷟萬選。宜登秀孝之堂。曼卿一生。不得文章之力。此兩弟之隱恨也。昔也伯兄無祿。仲叔同悲。子雅則競爽。空傳思曼。則風流頓盡。伊龍文之載。敎惟茲四人。感雁序之中分。先弱一个。遂令望夫石上霜寒。長如之心。思子宮前雨下。高堂之淚。此又兩弟之隱恨也。天不悔禍之延。人無同生之望。弟先兄舉。永成地下之郎。暑往寒來。再促雲中之駕。姜家布被。竟作附棺田氏。紫荊待將拱墓。而謂聞之不貽然。驚哭之不愴然。絕者哉。余恨人也。痛念慈親。與懷世父。鯉不躍舍。駒空在途。而況風雨牀頭。饗寂大蘇之夢。倫圖兄以絃歌座裏。春殘小阮之觴。雲鶴姪以回首不堪。傷心未已。一窠之竹。不報平安。九子之

棣懷堂隨筆

卷一

春明雜著

五

萍時形飄泊。今又以兩弟來告矣。薄宦羈身。他鄉望遠。目不親
疲。眊耳不接。呻吟生不奉。赭鞭死不護。倩柳心滋戚焉。五弟以
癸卯年生。得年三十有二。九弟以丙午年生。得年二十有九。仲
自莖賓之後。僅益一終叔於試吏之期。尙少一歲。截長補短。印
只合乎從辛以月繫時。名真符於畢甲。豈不痛哉。椿萱未老。待
溫清以何人。弟妹僅存。願撫摩以無日。萬事都已空。題白玉之
樓。九原有知。猶飲黃泉之泣。

情真語摯。不堪卒讀。祭十二郎文後。此其嗣音矣。一亭識

語根至性。令有同痛者讀之。益難爲懷。吳增嘉小宛謹誌

情文雙絕。刻肝鏤肺。六腑生花。千秋奇痛。聽翁弟讀

棣懷堂隨筆 卷一 春明雜著

六

祭王霞九同年元配劉安人文

維寶婺之星沉兮。悵瓊田之路絕。簾旌香其中斷兮。絃柱調而
竟折。彼奉倩之神傷兮。嗟子荆之心惻。感霜露之不居兮。見風
煙之飄瞥。溯河洲之載詠兮。稟幽貞之淑德。嫺趙母之明訓兮。
諒陶嬰之苦節。氏母本節婦締梁孟以爲偶兮。本韓殷之不別。即氏父
九舅泊六禮之告成兮。洵四行之罔越。言樹背以趨承兮。眷齊
眉之對列。父歿母存兮。子心則悲。舅歿姑老兮。婦職無闕。烹鯉
膳以親嘗兮。典鴛釵而盡撤。豈惟授枕几以追隨兮。及初篋之
補綴。若伉儷之諧好兮。比絲蘿之縈結。願樂羊之精於勤兮。知
鮑宣之貧而潔。奉長嫺以和壹兮。如琴之友乎瑟。視小婦以溫

棣懷堂隨筆 卷一 春明雜著

七

惠兮如星之麗乎月。若其體侍御而宜室家也。又非更僕之所
能縷說。乃遵高堂之慈命兮。念遊子之孤子。謂佐餒之事小兮。
盼含飴之情切。伊十載其於茲兮。經三索之有得。慨宜男之草
生兮。又卻死之香滅。幸者番之熊夢兮。固有事於蓬矢之設。夫
何二豎之摧殘兮。作百計以逼迫。進赭鞭以罔徵兮。黠形管其
無色。對藁砧而懷愴兮。顧襁褓而辭訣。況如彼朝生之荏華兮。
又不成乎瓜瓞有母孤身以處兮。將待其扶持以終耄耄也。有
姑千里而遙兮。猶冀彌月之不副。圻也有女十歲以上下兮。誰
與左提而右挈也。謂季直之畱書兮。將無歎逝者而酸烈也。撫
旅櫬之蕭條兮。竟付之南轅與北轍也。某等夙佩芳型。心儀令

則感雉露以興歌。望金波而頓缺。一樽酒以自陳。一炬香而就。燕剗齊年之誼親。能無弔死問生。而同聲嗚咽。

校懷堂隨筆

卷一 春別雜著

八

祭彭西浦先生文 代貢臣駱撰門下士

嗚呼。江亭水咽。石廬風隕。策素駟而路絕。指丹旄而神摧。長空則鶴隨雲去。靈耗則雁自峰回。地下神仙。眷佳城之鬱鬱。天涯游宦。陟彼岵而哀哀。悲莫悲兮。歌楚些。望復望兮。上燕臺。吾師之心。雨泣而露愴。吾太夫子之德。山高而水長。拜芳型於私淑。儀道範於公堂。耳習歸親之義。目濡就養之方。敬安靈而奠酒。爰誄事而成章。維公秉姿夙慧。擅譽年芳。聲騰金石。字挾風霜。固宜汁鹿鳴於莘野。遷鶯谷於春陽。而乃青衿莫賦。白牘空傷。石曼卿文章無力。羅江東姓字不揚。將士之遇合非偶也。抑可知不於其身者。卜其後之必昌。在昔著雍紀歲。火旱協躔。出修

校懷堂隨筆

卷一 春別雜著

九

蟪於水底。掘蟄燕於山前。平陽十日射的。千錢公乃計周。任郎念切。矜憐。路設貽敖之食。家分袁佐之饘。戶以鍾餼。室將磬懸。數晨炊而釜漏。貸隣糴而籌添。故能養望於荒年之穀種。福於續命之田。既而還珠無日。完璧罔徵。鬻別業於蕭復。罄家貲於參軍。都景興之積錢。一朝都盡。孟嘗君之收債。有券皆焚。而公之力竭矣。而公之澤深矣。且夫植木者必固蒂。而後含華也。養禾者必深耕。而後垂穎也。王氏世存陰德。槐蔭庭森。實家教有義方。桂林香引。宜乎誕育。雋才蜚聲。禁省李賦。日華韓瞻。雲影題柳下之棗糕。冠筍班之綾餅。百花頭上。安排東閣之梅。一舉首登。掩映瓊林之杏。春風則衣鉢傳人。秋校則輪袍奪錦。況乃

龍光晉接呂大防第一講官鴻藻鋪張王摩詰擅名中允人第
見紫詰榮封斑衣定省將食福以顯其親也而烏知積厚流光
者固培之有本乎復有階蘭馥郁泮藻繽紛論秀則一門競爽
分經則七業惟勤此謝靈運之詩歌必陳祖德陸士衡之文采
載誦先芬者也若夫性秉和易誼重睦姻範家人而正位本內
則以敦倫慕集王祥之雀殯供姜氏之鱗北堂有喜南陔是循
則公孝思之純也家住德星之里堂聯讓水之濱常華並茂荆
樹常春則公友愛之真也陳平見推於父老王烈引重乎鄉鄰
光風霽月清節和神則公之聯里黨而輯族人也他如肥矜載
設鳴嚶有聲我鼓我舞交遊以誠庭惟薦附野不樗生爾居爾
棲懷堂隨筆

卷一 春明雜著

十

宿婚媾以情管鮑篤分財之誼朱陳敦累世之盟此固合親疏
遠近罔不佩戴而心傾嗚呼名教可師善言足紀題楹誌惜福
之箴易簣申服官之理恩模範其匪遙欽典型其未已昔者蓼
莪之廢感自門人蒿里之章歌由弟子某等夙侍几筵追陪杖
履聲摧錦瑟淒涼馬帳之前雪映麻衣愴絕程門之裏所愧望
乏榲桮材非桃李未護柳車空來槐市望斷防封之雨無路送
輜神飛衡嶽之雲傷心薦禮尙饗

重修長郡會館啟

會館古之邸舍所以待郡國之至京師者也文昌新入登龍來
席上之珍武庫森羅旋馬列門前之戟昨夜蘆溝風月盼到停
驂今朝碣石宮庭言將就館慰周行之跋涉託夏屋以容與藉
洗塵馨實資寄寓矣長郡之有會館肇自前明楊氏新昌永稱
舊業邱孫司里時溯先臣洎烽火之肆災又行營之竊據縱令
弓仍楚得壁許趙歸而仲蔚蓬蒿滿庭莫掃淵明松菊三徑皆
荒遂乃撥故址於寒灰煥新猷於丕構燕喜德星之社鳩工畫
錦之堂風雨不驚日月在牖蓋自先賢修葺而後又百十年於
茲矣且夫善作者善成思始者思復迄今翹材館設通德門開

棲懷堂隨筆

卷一 春明雜著

十一

鳳嶺鸞山萃奇英於星軫銅官玉筍引勝地於江天士窺典府
之藏人負干城之選王成上計不愧循良卜式輸財率稱長者
鵬振湘南之翮馬空冀北之羣乃觀于京適子之館是卽晏嬰
更宅隣依爽塏之方僧孺卜居地繪清華之景猶慮小齋客滿
狹室賦成門不容東里之車座莫下南州之榻況乃商羊庭舞
石燕羽翔風淒容膝之窗雪壓礙眉之戶劉子珪之別業瓦屋
皆穿庾開府之小園茅茨盡漏其何以娛多士而增同里之輝
也若乃因勞定國侯膺忠義之封肇祀酬勳

天錫神明之號封日闕聖馨香一德俎豆千秋廟貌常存禮容
惟肅由來舊矣然而詩歌孝友象協文明綺閣未崇徽章有闕

昔固言登第猶念餽糈知書無忘釋菜何況垣高北斗秀
毓梓潼天惟陰陽下民是彝是訓帝乃誕敷文德得祿得名
固宜結香火之因緣亦是握藻珠之勝筭也夫秋風颭葉霜封
七宿之橋玉鉢蓮花雲護千尋之塔家真積善里是親仁猶能
力散餘貲襄茲義舉矧乎揚鞭綺陌擁蓋長安三千里棲寓之
鄉十二屬居游之地倚肩牆之爲陋惟面壁其何資某等薄宦
羈身莫效踵門之告空囊束手徒勞仰屋之籌所望衆力同撐
相助爲理榆錢不惜梓里有光從茲肯構肯堂猶是溫廬涼蔭
抑且美輪美奐不數青瑣綠墀矣

棧懷堂隨筆

卷一

春明雜著

三

蘭門云非
深知楊庚
者不能過
切得如此真

復賀耦庚前輩書二十二年

某月日奉手教敬悉佳想高堂萬福兄弟既翕至樂也伏惟閣
下望慰仰山懷虛應谷凡自晉來皆稱道弗衰謂一空從前作
者不唯氣壓元龍亦且量儕公瑾近楊齊年歸藉領方略允汁
輿評閣下高明之才謙抑之度和平其性情爽朗其心地以之
手捉風雅固有勝人什伯者呂易直自不糊塗除卻小事王荆
公若非執拗真是全才某昔侍奉左右挹其言論窺其衷曲是
以知之最深信之甚篤惟精神用之有餘一節尤可欣羨從古
賢人君子豪傑與夫大奸大惡下逮奔走伺候之流皆莫不挾
有爲之具必爲之心各以身履焉而不倦惟須擇於所用耳又
今之視學者每以正士習爲已任不知正士習由於作士氣勸
之以所能爲斯有所不爲矣人性不甚相遠也其習於不善而
不可變易者十不得一二君子成人莫如誘掖其次教誨不係
整齊未有詆民風而爲良有司未有薄士習而爲好學使者素
託知心敢附於贈言之義惟採擇焉幸甚

憶丁丑與柘農同寓見此書深服其民風士習之語爲的確
不刊之論迄今已九載矣頃來保陽適領首郡宜民獲上輿
論翕然坐言起行真不相背持是心也以往豈獨稱良二千
石哉宏此遠謨大用大效爲君幸更爲君勗也

乙酉二月十一日燈下識

麓門閣讀時

棧懷堂隨筆

卷一

春明雜著

三

精神須擇所用是英雄中理學充之優於天下聽翁讀

棣懷堂隨筆

卷一 春明雜著

十四

寄何秉成姑丈書

與執事別六年於茲矣。鴻雁不到衡峯。有踰三載。昔者偕蘇子而泛舟。蒙陳蕃之下榻。分十字餅以啗我。烹七碗茶以餉我。道性情。論詩書。及世務。寒漏四下。詞鋒放發。豪興未減。呼僮煎殘燭。送我出竹籬。外踏菜畦。推門而入。視竈上火。熒熒一點而已。追惟此景。如在心目。孤燕離巢。驚馬繫棧。加以鹿鹿無狀。又善病於雨。三忘形交。尺書必陳衷曲者。概不奉達。養其疎慵。藏其固陋。使友朋謂我無情。乃可以護友人之情。而不爲我用。然如閣下之知我愛我。固終不能用無情之情。近體安否。健飯否。不日學嵇生。鍛否。清貧之狀。方常云何。亟用相念。積雪欲尺。寒

棣懷堂隨筆

卷一 春明雜著

十五

風透窗。卽草數行。言不盡意。

情眞語摯 麓門

筆意似王摩詰在集中。別爲一種 聽翁弟讀

寄周介夫明府書

自閣下來長安。鶯鄰洽比。鳬鳥差池。弄笛月白。揮麈屑霏。別後情懷。千里與共。醇酒交君。潭水送我。揆之古人。時復似之。荷蒙綺注。近錫瑤章。連日條漸垂檐。積雪過尺。披裘若數。擁被成冰。得故人一紙書。便勃勃有春意。幸甚厚甚。來書獎藉。莫勝惶汗。僕養慵於嵇醫癖於杜。負此中秘。慙對良友。夫復何言。書中道居官方略。具徵設施。大展懷來。就中一二語。未愜鄙衷。輒効芻蕘。敬陳左右。武漢固西南孔衢也。其俗奢麗。其人蕩佚。其獄訟繁多。而不可禁。其情詐設。其氣桀驁。誠不易治。然得賢有司。振綱挈領。除煩蠲苛。固不必舉斯民而易之。學使詆文風。則士氣

根懷堂隨筆 卷一 春明雜著

未

益靡州縣。詆民風。則民情益漓。此理之必然者。閣下循良之後。夙奉庭訓。有製錦之才。有鳴琴之度。有戴星之精力。有沛澤之性情。上可稱慈惠之師。其次亦不失為明察。而以刁悍責之民。復何望於俗吏。介夫勉乎哉。行之二三年。而馴至久道必有護惜甘棠。不忍翦伐者。即其地也。他日編循吏傳。相與指為小焉之蹟。君之先人有光矣。僕與閣下交非淺。言不得不深。唯高明鑒督焉。亦願實夫無以被禍。負薪為子孫慮。

寥寥數言。於居官治民洞見五藏。癢結可以見此日之性情。可以想異時之經綸。一亭識

詆民風不宜出之讀書人。能讀書無不能愛民。今之為令者

須將古來循良如魯恭卓茂劉矩劉嘯諸先賢所以愛養斯民者。細細觀玩。學得一分便有一分受用。而民亦受一分之賜。昔人入升堂視事。退堂觀書。旨哉言乎。受業祥和謹注卓然名論。而不落腐儒窠臼。其所見者大也。其文氣精醇。出於昭明太子。而入於昌黎。聽翁弟讀

棟懷堂隨筆 卷一 春明雜著

七

陶笙樓三蕉餘話序 二十三年

三蕉餘話二卷。邑人陶子笙樓所撰也。若夫祖生志怪。意昉齊諸千寶。搜神法參董史。鵬飛龍門。旨左著其詞。孤鳴大嘯。伯喈廣其義。士生不偶。才擅無雙。擇物而假之鳴。因文以挾其異。蓋所以寫牢騷之氣。而摭傀儡之胸也。然而漆吏荒唐。汾陽深僻。韓昌黎荆潭唱和。雅尚搜奇。蘇子瞻嶺表逍遙。強人說鬼。知襟懷之偶託。雖游戲其何傷。固不越名教之坊。亦無關勸懲之旨。而欲求敷陳吏治。因清濁以激揚。扶植經常。示貞淫之法戒。殊未有合焉。吾友笙樓。詞賦機雲。文章左國。負南豐之駿望。兼擅五言。秉溫國之鴻才。亦能四六。爭看錦繡。半付棗梨。鈔書者欲

棣懷堂隨筆

卷一 春明雜著

太

禿毛錐綴序者。各相鱗次。蒙無尾續貂。因班見豹。望餘霞之散綺。想流水之盈科。謝疊山古事續紛自成。隨筆孟東野情詞委曲。別有新裁。而後知雜俎在盤。亦分甘於鼎。肅也。餘音盈耳。亦發韻於管絃也。胡為乎長卿多病。季重工愁。文富遇窮。學優年促。玉樓驟召。天為遴才。宿草方生。人皆墮淚。況我岑岑。得味泮藻。分芳早歲。追隨同戴。游楊之雪中。年契闊遠。械元白之簡。碌碌合吾冥冥。良友聯三生之舊雨。撫一束之遺編。字挾風霜。條分袞鉞。詞或過激。而於義無乖。事或荊間。而於理不悖。抑亦覺世之言也。若乃表章潛德。眷念寒門。償逋於大。歉之年。焚券非他人之慨。所愧孫詒有穀。祖武未繩。謝靈運之詩歌。敢忘世德。

潘安仁之文采。載誦家風。余有食舊之徵。君是闢微之筆。則是編也。可以豁心志。可以增見聞。可以勵節操。可以警貪汰。可以知鬼神之說。可以參果報之因。又豈徒呂氏春秋。炫篇章於錄異。柳州問答。侈文字之起幽已哉。

余總角。即侍先大夫遠游。與陶笙樓茂才同邑。相距不數里。聞其名而未見其面。亦未得讀其詩文集。及來長安。於易午亭農部處。見其三蕉餘話。窺豹一斑。惜其賁志。以歿。令人有有文無福之慨。今距午亭之歿。又四年矣。讀此序。益增懷舊之思云。
麓門

文章有神交有道。讀之使人舊雨之感。油然而生。不獨組織精妙也。
聽翁弟讀

棣懷堂隨筆

卷一 春明雜著

元

得此表章之筆。笙樓為不朽矣。
雲汀

謝宮星楣前輩贈裘啟

地氣嚴凝。冀北自宜皮服。家風儉素。隴西原是布衣。忽荷隆情。特頒華飾。君欲厚故人之誼。僕恐盡君子之歡。而況服未附身。裳猶在笥。不如子之安吉。豈不足於體。與若受人之矜憐。寧亦寒至此也。是用趨仍完璧。楚不得弓。然而君意良深。愚衷且感。拜辭更肫於拜受。生文乃可以生情。祇今谷不長寒。子山再續。絲綫之啟。自笑袍原敝緼。仲氏敢披狐貉之裘。謹謝。婉而嚴曲。而有直體。必如此而後。可以有為。聽翁弟讀。

棟懷堂隨筆

卷一

春明雜著

三

送徐山民江出宰新城序

昔歲與辛楣交。卽知閣下高義。以古人自期。其飭躬也嚴。其泣事也明。敏性剛毅。不苟阿上官意。不優容彊禦。卒以此黜而不疚於心。偉矣哉。某愛之敬之。以不得一見爲恨。嗣入都。幸得相見。值行旌迅速。不長侍左右。一罄底蘊。今別矣。某臥病未克。祖都門外。悵甚。憶少時讀古循吏傳。輒想慕其人。聞當世膺民社。能興利去惡。不渙染以求瓦全者。亦識之於心。不忘自博一第。於茲十載。未卜果可藉手。以異於俗吏之所爲。否。閣下之行。事某不知。知之於辛楣之知。某於辛楣性情交。閣下不必知。某又可於辛楣之交。知也。此行也。閣下豈以百里之符爲榮。將營營於失而復得。而有顧慮心。誠不足爲當局慮。然而學問之道。經濟徵之。而強毅之資。意氣亦得而參之。如閣下之崖岸。而養以和平。愛其身。以有待。藉一官以爲百姓造福之用。方古循吏何以加。諸楓船少能文章。矜氣誼有幹濟才。其債事非獨不擇交之過。亦脫略且任性耳。惜之承其後者。固不能舉習俗而遽易之也。可不慎歟。某一歲中喪三子二女。近臥病而內子以鬱生疾。顛於危。中年多故。足灰傑士心。方寸煩亂。語無倫次。申景仰之情。誌離別之感云耳。若以爲贈言。覲然自附於君子。夫何敢。

淺交深言。僞札古意。非後世所解也。文亦憂憂獨造。不肯寄。

棟懷堂隨筆

卷一

春明雜著

三

人庶下 聽翁弟讀

棣懷堂隨筆 卷一 春明雜著

三

祭歐陽樹堂文 二十四年

士之秉清才淑德文章政術燦然可觀爲同輩所宗仰非獨生而負異也蓋必有以成之其祇父恭兄和協輯睦怡然相接爲閭閻所則效非獨子弟之良也蓋必有以先之如坦齋侍御之胸期磊落品義高潔其門庭雍洽而肅清則樹堂先生之教居多某等與先生同籍湖湘以南北宦游無由交先生卽苦情適合琴誼相聯者亦未嘗朝夕聚處藉窺其底蘊而侍御官京師十六七載某等交待御久且深常道先生之事纂詳侍御之言曰余少孤奉母教兄弟五樹堂兄其仲也以先伯母愛子之自五弟卒伯兄及三兄相繼沒獨樹堂兄總兩家事余之官京師棣懷堂隨筆 卷一 春明雜著

不空乏者吾兄經營之力也兄生而魁梧事太夫人先意承志友于兄思先大夫詩書裕後之訓不欲使諸弟廢學長余四歲耳而慤勤教誨常有嚴憚切磋之心性敏達負氣崖岸與人直言無隱不必計其能受與否及事後追惟不爽先見人服其颯爽而亦不以精明累吾家於邑中頗稱饒裕既承伯母繼深得歡心惟服食器用取攜便也而樸素性成不肯及身開奢靡之漸內而子弟外而比閭族黨咸惕以物力之艱難有緩急相求則不靳自奉儉而不儉於施故啟迪人習其教周濟人戴其恩富而不至以招怨補弟子員餼於庠屢試不中思以廣其所學及司鐸桂東與諸生明教化飭倫理以餘事及文藝其所以薰

陶而玉之成者不少。今侍御歸六年矣。近以先生之訃聞。勞尺書之遠寄。寫寸念之悲傷。覽其情詞。紀其遺行。竊憶向日之所習聞者。猶在耳也。某不獲交先生。而以交侍御者。知侍御之所。以成就也。侍御於友朋。無虛詞。其不飾美名。以厚誣其兄也。可知矣。某等言慙行遠。而誼屬知生。以知侍御者。信先生也。卽以唁侍御者。哭先生也。

根懷堂隨筆 卷一 春明雜著

齒

擬漢高祖再上太公啟 二十五年

按本紀高祖六年。朝太公。太公以家令言。擁彗迎門。曰。帝人主也。奈何以我亂天下。法於是高祖尊太公爲太上皇。近見未曾有集。有擬太公辭太上皇詔。載置俎分羹事。辭婉意刻。愚謂太公諂讓旁人。吐屬不如自言之。尤足定罪案也。因擬再上太公啟。

臣每思置俎時。輒用心悸羽忍人也。甘言不可入臣。以忍濟今家禮無缺。而微號未加。罔慊於厥衷。臣以去年正月。卽帝位功臣列侯王皆裂土受爵。天下底定。推私情以榮其親。誰復議者。大人若過懷謙抑。不允所稱。四方萬國。其謂臣何。昔瞽瞍見執

根懷堂隨筆 卷一 春明雜著

三

法改宗堯羽山被殛。禮不王。蘇臣每讀書。輒增感歎。又臣少時不治產業。珍膳缺如。禮不云乎。大孝尊親。其下能養。臣未之養也。敢忘尊親乎。大人其受而稱之。毋令天下後世以不孝瞽臣者。

簡質 向亭

置漢書中莫辨 南雅